

粥子注

逢行珪

文碩閣

wenshuoge.com

目录

关于我们

进鬻子表

鬻子序

《鬻子》注解

.....

.....

.....

.....

3

5

6

7

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

进鬻子表

臣行珪言：臣闻结绳以往，书疏蔑然；文字之初，教义斯起。记言之史设，褒贬之迹聿兴；书事之官置，劝诫之门由启。於是国版稠叠，謨训昭彰，唱讚之道以弘，阐扬之理兹畅。德业弥綍，英华日新，雕琢性情，振其徽烈。逮乎周文作圣，鬻子称贤，意合道同，实申师傅。鬻子以文王降已，大啟心期，明宣布政之方，广立辅成之策，足使万机留想，一代咸休，稽古有宗，发明耳目。寻其著述之旨，探其斥救之辞，莫不原道心以裁章，研神理而啟沃，弥纶彝训，经纬区中，不徒讚说微言，务於遗翰而已。斋熊為诸子之首，文王则圣德之宗。熊既文王之师，书乃政教之体，虽篇轴残缺，提举犹备纪纲，譬彼盘盂，发扬有愈。臣家传儒素，积习忠良，睹明主奉师之踪，览贤者尽义之道，循环徵究，妙极机神。敢率至愚，為之注解，研覃析理，以叙私情，剪裁浮辞，用申狂瞽。伏惟陛下则天垂训，越极宣风，稽太上之至和，兴帝王之烱烱，股肱谅直，猷替元疑，大举贤良，寧济区宇，四海革面，八表宅心，务本修文，垂拱无事。臣以草莱卑贱，识度庸浅，荷尧沐舜，击壤枢歌，周施政教之端，属听太平之咏，志存缀辑，以述矢言。简牘难周，辞意斯拙，谨以繕写，奉献闕庭。庶日月昭明，布餘暉於漏隙；时雨咸皞，洒餘润於纤枯。望希尘露之资，岂议沉舟之楫？天威咫尺，神魄震惊。谨上表以闻，伏听慈旨。谨言。

永徽四年十一月二十六日，华州郑县尉臣逢行珪上。

鬻子序

鬻子名熊，楚人，周文王之师也。年九十，见文王，王曰：老矣。鬻子曰：使臣捕兽逐麋，已老矣；使臣坐策国事，尚少也。文王师之。著书二十二篇，名曰《鬻子》。子者，男子之美称。贤不逮圣，不以为经，用题纪标子。因据刘氏九流即道流也。遭秦暴乱，书记略尽；《鬻子》虽不预焚烧，编秩由此残缺。依《汉书·艺文志》，惟有六篇，今此本乃有十四篇，未详孰是。篇或错乱，文多遗阙，至敷演大道，铨撰明史，阐域中之教化，论刑德之是非，虽卷轴不全而其门可见，然邓林之枝、荆山之玉、君子余文，可得观矣。鬻子博怀道德，善谋政事，故使周文屈节，大圣谘询。情存帝王之道，辞多斥救之要，理致通远，旨趣恢弘，实先达之奥言，为诸子之首唱。织组仁义，经纬家邦，垂劝诫之风，陈弘济之术，王者览之可以理国，吏者遵之可以从政，足使贤者励志，不肖者涤心。《语》曰：《诗》三百，一言以蔽之，曰思无邪。言而不朽，可为龟镜。《鬻子》论道，无邪之谓歟。幸以休务之隙，披阅子史；而书籍实繁，不能精备。至于此子，颇复留心，寻其立迹之端，探其阐教之旨，岂如寓言迂恢，驰术飞辩者矣，亦乃字重千金，辞高万岁。聊为注解，略起指归。驰心于万古之上，寄怀于千载之下，庶垂道见志，悬诸日月。将来君子，幸无忽焉。

《鬻子》注解

撰吏五帝三王传政乙第五

撰，具也。吏者，为政之具也。又，撰，博也，言王者布政施令，其在博求于良吏也。贤者举之，不贤者不预，言五帝三王政道可以百代传行者。乙，次于甲，以此明政之次也。

政曰：

政者，法教也。此明帝王之政事，以为法教可称也。

君子不与人谋之则已矣，

言君子修于内，理于外，端其形，正其影，体真德之要，守冲妙之机，言出以成教方，谋事必为法则。苟于政而不预，岂妄为之哉？所以止也。

若与人谋之，则非道无由也。

君子不以人谋，则已矣。若与人谋，务存大道而言之，不以违道饰非，不以苟命求正。由，用也。

故君子之谋，能必用道，

君子终日言而不离体要，谋于政事而感由于道。故同于道者，道亦得之；非道之言，君子不用也。

而不能必见受；

众目视于伪，不留视于真；众心耀于名，不能察于实。夫庸主必惑于众，岂能受于道教哉？故君子之道，不必见纳也。

能必忠，

尽心论道而必竭忠尽道。言不邪谄也。

而不能必入；

尽忠论道，圣君必纳，庸主所难。故有道之君，上下亲爱，忠说进用，智卫无隐。

以石投水，何龃龉哉。而不明之主，君臣疏忌，小人侍侧，端正弃遗，谄佞是亲，忠信不用，掩目而视，岂不惑欤。铃忠言之不入。

能必信，

言君子不苟合，不妄言，正色端辞，澄清真实，必存之于信也。

而不能必见信。

信言不美而合于道。庸主惑于众邪，岂信用君子之言乎？言不以见信也。

君子非人者，不出之于辞，而施之于行。

言君子但为善，将以攻恶，善不自是，恶不非人，施之于行，不显之于言说也。

故非非者行是，

言是非于人，是所同也。非于人者，人亦非之。君子将非于人，终不以非非人；自行是道，以论彼之非。

恶恶者行善，

善恶在身，是所共也。君子务善以攻恶，不以恶恶于人，所以彰恶于行善道也。

而道谕矣。

谋事铃忠，出言必信，行善以攻恶，显是而明非，不苟求所以知，而道德自明也。

大道文王问第八

夫道者，覆天地，廓四方，斥八极，高而无际，深不可测，绵六合，横四维，不可以言象尽，不可以指示说，应无问之委，终政教之端，包万物之形，彰三光之外，为而不有，行而不见。有道之王，动而同之，妙用无穷，故谓之大。文王因用无穷，故谓之大师问#6道，可为永则，因以名篇也。

政曰：昔者文王问于鬻子：

昔者，言往日也。虽临驭亿兆而不独专，从师问道以求政衍之门。

敢问人有大忘乎？

尊师道，故曰敢问。文王思存大道以终政事，心述在于经远，所以先问于大忘也。

对曰：有。

鬻子前答文王，言有大忘也。

文王曰：敢问大忘奈何？

鬻子前不即以指答者，故引成文王之间。文王欲然终大忘之理，故曰其事奈何矣。

鬻子曰：知其身之恶而不改也，以贼其身，乃丧其躯。

过则勿惮改，终日不为恶。恶去于身也，岂但墨面髡发是为形余哉？故其蚩尤见诛，四凶就戮，夏癸绝祀，商辛覆宗。贼身害躯，破家失国，其行如此，是为大忘也。

其行如此，是谓之大忘。

终成所答之事。

贵道五帝三王周政乙第五

夫为政以德，必贵于道，为化国之福焉。当文王之时，而通称三王者，据近以及远，明道以同也。周者，合也，备也，言五帝三王贵道，其政能合若一也，而无所不备也。

昔之帝王，

昔者，在昔贵道德之帝王。称昔者，以远喻近，为之劝也。

所以为明者，以其吏也。

言帝王而有圣明之称者，皆委贤吏，使在显职，故道化兴而万国宁，明圣不独运也。

昔之君子，其所以为功者，以其民也。

人惟邦本，得众斯昌；建极乘时，必资兆庶；人皆效力，以成其功也。

力生于神，

王者有国，必先灵右；皇天上帝，社稷山川，神逵玄符，无不来会。成汤降神，受夏大命；武王梦神，遂大戡殷。夫冥运两仪，鼓动万物，岂有使之然哉。莫不大化于自然玄应而义用造之非我，理自相符，故曰力生于神者也。

而功最于吏，

王者度政施令而不自为，必属贤能以任使之，故天下和平，人知所保。此贤史善最之功也。

福归于君。

俊德在官，尽心竭力，人敦其道，俗顺其教，上下相亲，而德交归焉。国土平康，而为君之福者也。

昔者五帝之治天下也，

五帝谓黄帝、颛顼、高辛、唐、虞也。

其道昭昭，若日月之明然，若以昼代夜然。

日月运明，明不私照，必须幽显，始终不息，故昭昭然所不舍也。夫圣人与天地合德、日月齐明，道大不沦，可以崇远也。

故其道首首然。万世为福、万世为教者，唯从黄帝以下、舜禹以上而已矣。

首者，始也，言五帝之道常为万代之始，后之不能加也。夫黄帝始垂衣裳，造书契，置史官，为舟楫以济不通，服牛乘马，立栋宇重门，击柝以待暴客，为杵臼以利万姓，作弧矢以威天下，造律管，兴封禅。颛顼平九黎之乱，人神不杂，万物有序。高辛氏作鞠转、钟鼓、莞席。帝尧茅茨不剪，土阶三尺，夏日葛衣，冬日鹿裘，荡荡乎人无能名焉，巍巍乎其有成功也。帝舜少而至孝，尧闻聪明而用之。舜乃举禹为司空以平水土，弃为后稷以播百谷，禹为司徒以教百姓，皋陶为士师以理狱讼，垂为共工以典众作，益作朕虞以育草木，伯夷为秩宗以典三礼，夔为乐政以和神人。舜弹五弦之琴，歌《南风》之诗。夏禹栉风沐雨，冠履不顾，敷九土，乘四载，凿龙门，辟伊阙，导百川，建万国。微禹之功，人皆鱼矣。帝王之功，莫此为盛，故百代不易，为福为教也。

君王欲绿五帝之道而不失，则可以长久。

言君王但因循五帝之道而常行用，无所为替，则可以长保宗庙社稷，以为人始也。

守道五帝三王周政甲第四

执大象而天下往，明道不往，则道不可暂离所也。

圣人在上，贤士百里而有一人，则犹无有也。

言圣王在上，化被苍生，德周万物，虽百里而有一贤士，以圣道广宣，贤迹不见，其贤虽多，则若无有也。

王道衰微，暴乱在上，贤士千里而有一人，则犹比肩也。

王道衰微，暴虐乱政，人皆思德，虽千里有一贤士，其若比肩。言贤人不可得也。

撰吏五帝三王传政乙第三

帝王所以安国家，行政教，其在良吏乎。言必博广以取也。

故曰：民者，贤不肖之杖也，贤不肖皆具焉。

贤者，德行之名；不肖者，顽嚚之谓。夫贤与不肖见于行，此二者同出于性而异名，皆杖于最灵，各有定分矣。天下之广，黎庶之众，贤与不肖自皆具焉。

故贤人得焉，不肖人休焉。

言贤者不自求进而村为时须，王者必任，贤人所以得也；不肖者非自求退而行无所取，不登政事，是以休废也。

杖能侧焉，

有过人之智，必矜其能；恃能矜智，必违常道。轻躁所至危僻，故曰杖能侧焉。

忠信饰焉。

怀尽忠之节，必修于道。修身贵真，履行务实，由于正路。礼、义、仁、信以文饰其身也，故曰忠信饰焉。

民者，积愚也。

冥然无知，愚之谓也。

虽愚，明主撰吏焉，必使民兴焉。

言明主推心于人，以取良史而不独任也。

士民与之，明上举之；

得于众心，善于政事，上所以举用之也。

士民若之，明上去之。

若如人者，贤愚之间、政既不与，所以斥去之也。

故王者取吏不忘，必使民唱然后和。

人主总群谋以观众，知明以探风声，察于下言以求得失，取贤人以宣政化。推己取贤，唯圣者能之。

民者，吏之程也。

程，法式也。知之在下，是故取吏之法式，察之于众庶人者，若之也。

察吏于民，然后随。

人与之，主举之；人若之，主去之。此随之也。

政曰：民者，至卑也，

极卑下也。

而使之取吏焉，必取所爱。

圣主不违人以独用也。

故十人爱之，则十人之吏也；百人爱之，则百人之吏也；千人爱之，则千人之吏也；万人爱之，则万人之吏也。

自此已上，皆言人之情好之德行，各有所爱乐之，多少殊别也。

故万人之吏，撰卿相矣。

人爱之多，则必堪为政事。赫赫师尹，民具尔瞻。主之所拔，不可失贤也。

卿相者，诸侯之丞也。

卿相者，人主之杖，故为诸侯之丞也。

故封侯之土，秩出焉。

贤者得之，列土封疆。得自家臣，故曰秩出焉。

卿相者，侯之本也。

政之兴亡，在于卿相。得贤者和辑，失贤者离散，故为侯之职，在卿相也。